

續資治通鑑

續資治通鑑卷第八十九

通鑑纂要卷第八十九 宋紀八十九 起開禧元年五月盡宋光宗二年有奇

宋紀八十九

起開禧元年五月盡宋光宗二年有奇

徽宗體神合道駿烈遜功聖文仁德憲慈顯孝皇帝

崇寧三年

遼乾統四年

五月丁丑以收復鄆廓遣親王奏告

太廟侍從官分告社稷諸陵

戊寅罷開封權知府置

牧尹少尹改定六曹以士戶儀兵刑工爲序增其員數

倣唐六典易胥吏之稱

己卯以復鄆廓推賞進蔡京

守司空封嘉國公

庚辰許將趙挺之吳居厚安惇蔡

卞各轉三官 甲申改鄯州爲西寧州仍爲隴右節度

辛丑詔黜守臣進金助修宮庭者 罷行水磨茶

六月壬寅朔國熙寧元豐功臣於顯謨閣 甲辰遼主

駐旺國崖 丙午詔諸路州軍未曾立學者竝增置

戊申詔以荆國公王安石配享孔子 壬子置書畫算

學其生皆占經以試其取士法略如太學上舍三等推

恩以通仕登仕將仕郎爲次 戊午詔重定元祐元符

黨人及上書邪等者合爲一籍通三百九人刻石朝堂

餘竝出籍自今毋得復彈奏元祐姦黨文臣曾任宰臣

執政官司馬光二十七人

司馬光文彥博呂公著呂大防劉摯范純仁韓忠彥曾布

梁燾王巖安蘇轍王存鄭雍傅堯俞趙瞻韓維孫固范
百祿胡宗愈李清臣劉奉世范純禮安燾陸佃黃履張
商英蔣待制以上官蘇軾等四十九人蘇軾劉安世范

之奇
趙君錫馬默孔武仲孔文仲吳安持錢勰李之純孫
覺鮮于侁趙彥若趙鼎王欽臣孫升李周王汾韓川顧
臨賈易呂希純曾肇王觀范純粹呂陶王古豐稷張舜
民張問楊畏都浩陳次升謝文瓘岑象求周鼎徐勣路
昌衡董敦逸上官均葉壽郭知章餘官秦觀等一百七

十六人
秦觀黃庭堅晁補之張耒吳安詩歐陽棐劉唐

平仲湯餗黃隱畢仲游常安民汪衍余爽鄭俠常立程

願唐義問余下李格非陳瓘任伯雨張庭堅馬涓孫諤

陳郭朱光裔蘇嘉驥丈夫王回呂希續歐陽仲立吳儔尹

材葉伸李茂直吳處厚李積中商倚陳祐虞防李祉李

漢李之儀范正平曹蓋楊繼蘇昞葛茂宗劉謂柴衮洪

羽隨天佐李新衡鈞袞公適馮百藥周註孫宗范柔中

鄧考甫王察趙珣封覺民胡端修李傑趙令時郭執中
石芳李賁金極高公應安信之張集黃策吳安遜周永

徽高漸張鳳鮮于綽呂諒卿王貫朱紘吳明梁安國王
古蘇遇檀固何大受王簾鹿敏求江公望會紆高士育
鄧忠臣種師極韓洽都貺泰希甫錢景祥周綽何大正
呂彥祖梁寬沈千曹興宗羅鼎臣劉勃王極黃安期陳
師錫于肇黃遷黃挾正許堯輔楊肅胡良梅君俞寇宗
顏張居李修逢純熙高遵裕黃才曹鹽侯願道林膚葛
輝宋壽岳王公彥王交張溥許安修劉吉甫胡潛董祥
楊環寶倪直孺蔣津王守鄧允中梁俊民王陽張裕陸
表民葉世英謝潛陳唐劉經國扈允張恕蕭利趙越滕
友江洵方括陳弁洪芻周謬許端卿李昭玘向訓陳察
鍾正甫高茂華楊彥璋廖正一李夷行彭醇梁士能
攷異同時有兩王古其一官戶部尚書乃旦之曾孫在
曾任待制以上官其一在餘官蓋以元武臣張吳等二
符上書列邪等得罪者其削里未詳
十五人郭英李備王獻可胡川馬諗王履趙希夷任溶
雄李恩吳休復崔昌符潘滋高士內臣梁惟簡等二十
權李嘉亮王琬劉延舉姚雄李基
九人梁惟簡陳衍張士良梁知新李倬譚展寶錢趙約
王卿馮說曾燾蘇舜民楊傅梁弼陳恂張茂則張

麻裴彥臣李偁周守勤王紱李穆蔡克明爲臣不忠曾
王化基王道鄧世昌鄭居簡張祐王化臣
任宰臣王珪章惇王戊蔡京奏奉詔令臣書元祐姦
黨姓名恭唯皇帝嗣位之五年旌別淑慝明信賞罰黜
元祐害政之臣靡有佚罰乃命有司夷攷罪狀第其首
惡與其附麗者以聞得三百九人皇帝書而刊之石置
於文德殿門東壁永爲萬世子孫之戒又詔臣京書之
將以頒之天下臣敢不對揚休命仰承陛下孝悌繼述
之志謹書元祐姦黨名姓仍連元書本進呈於是詔頒
之州縣令皆刻石有長安石工安民當鐫字辭曰民愚
人固不知立碑之意但如司馬相公者海內稱其正直

今謂之姦邪民不忍刻也府官怒欲加之罪安民泣曰

被役不敢辭乞免鐫安民二字於石末恐得罪後世聞

者愧之

攷異案元祐姦黨姓名有二碑一立於崇寧元年之九月徽宗手書刻石置端禮門凡百有二十人首文彥博明年九月臣僚請頒端禮門石刻於外

路州軍卽此也一立於三年之六月徽宗手書刻石置

文德殿門之東壁凡三百九人首司馬光又命蔡京書

大碑頒之天下此在長編及朱紀具有明文京所書者

乃三百九人非百二十人也而陳桮通鑑續編於崇寧

二年大書云頒蔡京所書元祐姦黨碑刻石於州縣三

年則但云重定元祐元符黨人刻石於祠堂反不及蔡

京書碑事薛應旂王宗沐皆因之舛謬極矣今據長編

朱紀悉爲改正 癸亥吐蕃遣使貢於遼 乙丑詔內外官毋

得越職論事 秋七月壬申朔詔應入籍人父竝不得

任在京差遣 癸酉以婉儀王氏爲德妃 戊寅降授

中大夫蔣之奇追復右正議大夫念其進對之際嘗陳
紹述之說也 庚辰詔自今大禮不受尊號羣臣毋上

表 是日遼主獵於南山癸未遼以西北路招討使蕭

德勒岱

舊作得里底今改

北院樞密副使耶律慎思竝知北院

樞密使事 辛卯蔡京等言自開阡陌使民得以田私

相貿易富者恃其有餘厚立價以規利貧者迫於不足
薄移稅以速售富者莫非膏腴而賦調反輕貧者所存
瘠薄而賦調反重因循至今其弊愈甚熙寧初神宗灼
見此弊遂詔有司講究方田利害作法而推行之蓋以
土色肥磽別田之美惡定賦之多寡方爲之帳而步畝

高下丈尺不可隱戶給之帖而賦調升合尺寸無所遺
以賣買則民不能容其巧以推收則吏無所措其姦邦
財自此豐民賦自此省五路州縣有經方田者至今公
私以爲利迨元祐紛更美意良法未徧於天下今檢會
熙寧方田敕推廣神考法意刪去重複取其應行者爲
崇寧方田敕令格式乞付三省頒降施行從之 遼以
同知南院樞密使事蕭迪里作敵爲西北路招討使
八月壬寅朔大雨壞民廬舍令收瘞死者 甲辰蔡
京等上神宗正史 丙午門下侍郎許將罷將居政府
十年不能有所建明中丞朱諤劾將任元祐則盡更元

豐之所守居紹聖則陰匿元祐之所爲遂以資政殿學士出知河南謬蔡京之黨也 荆湖南路轉運判官元書言澧州醴陵縣學生季邦彥試卷言涉謗訕辛酉詔邦彥特送五百里外編管其攷校長諭屏出學 九月乙亥以趙挺之爲門下侍郎吳居厚爲中書侍郎翰林學士承旨張康國爲尚書左丞刑部尚書鄧洵武爲尚書右丞康國揚州人紹聖中蔡京治役法薦爲屬及京當國定元祐黨籍置看講議司編彙章牘康國皆預密謀故京引援之甚力自福建轉運判官不三歲入翰林爲承旨遂登政府復以其兄康伯代爲翰林學士 王

辰詔諸路州學別置齋舍以養材武之士 初東南六
路糧斛自江浙起綱至於淮甸以及真揚楚泗爲倉七
以聚畜軍儲復自楚泗置汴綱般運上京以江淮發運
使董之故常有六百萬石以供京師而諸倉常有數年
之積州郡告歉則折納上等價錢謂之額斛計本州歲
額以倉儲代輸京師謂之代發復於豐熟以中價收糴
穀賤則官糴不至傷農饑歉則納錢民以爲便本錢歲
增兵食有餘及蔡京求羨財以供侈費乃以其姻家胡
師文爲發運使以糴本數百萬緡充貢擢戶部侍郎自
是繼者效尤時有進獻而本錢竭本竭則不能增糴儲

積空而轉般之法壞矣 冬十月辛丑朔大雨雹 丁
未賢妃張氏薨 己酉鳳凰見於遼境之遼陰 初蔡
京使王厚招夏卓羅右廂監軍仁多休忠厚言休忠雖
有歸意而下無附者章數上不聽京貴厚愈急厚乃遣
弟詣休忠還爲夏邏者所獲遂追休忠赴牙帳厚以休
忠縱不爲夏所殺亦不能復領軍政使得之一匹夫耳
何益於事京怒必令以金幣招之夏乃點兵延渭慶三
路各數千騎遣使求援於遼朝議命西邊能招致夏人
者毋問首從賞同斬級又以陶節夫經制陝西河東五
路在延州大加招誘夏主遣使與請皆拒之且令殺其

放牧者夏人遂寇涇原戊午圍平夏城河西節度使趙
懷德等出降夏人又入鎮戎軍掠數萬口而去於是羌
酋谿賒羅撒合兵逼宣威城知鄯州高永年出禦之行
三十里爲羌人所執多羅巴謂其下曰此人奪我國使
我宗族漂泊無處所遂殺之撻其心肝以食焉谿賒羅
撒復焚大通河橋新疆大震事聞帝怒親書五路將帥
劉仲武等十八人姓名敕御史侯蒙往秦州逮治蒙至
秦仲武等囚服聽命蒙諭之曰君輩皆侯伯無庸以獄
吏辱君第以實對獄旣具蒙奏言漢武帝殺王恢不如
秦穆公赦孟明今羌殺吾一都護而使十八將由之而

死是自艾其支體也欲身不病得乎帝悟釋不治唯王
厚坐逌逌責授郢州團練使 己未遼主如南京 己
巳立九廟復祀翼祖宣祖 庚午貴妃邢氏薨 十一
月甲戌幸太學官論定之士十六人遂臨辟雍賜司業
吳綱蔣靜四品服學官推恩有差 乙亥遼主御迎樓
賜貧民錢 庚辰詔上書邪等選人除不得注知縣令
丞外其職官錄參判司簿尉竝許差注 時雖設辟雍
太學以待士之升貢者然州縣猶以科舉貢士蔡京以
言丁亥詔天下取士悉由學校升貢其州郡發解凡試
禮部法竝罷而每歲試上舍生則差知舉如禮部法云

癸巳改上神宗諡曰體元顯道帝德王功英文烈武

欽仁聖孝皇帝

發其東都事略作紹天法古運德建功英文烈武欽仁聖孝皇帝蓋誤以紹聖

二年所上之諡移於是加上哲宗諡曰憲元繼道顯德

定功欽文睿武齊聖昭孝皇帝 丙申祀園丘大赦應

係貶謫官員除元祐姦黨籍及別有指揮不許移放之

人外未量移者與量移 十二月辛丑遼以戶部使張

琳爲南府宰相 乙巳升通遠軍爲鞏州 復封孔子

後奉聖公端友爲衍聖公 是歲諸路蝗 桂州黎洞

蠻楊晟免等內附時蔡京務開邊知桂州王祖道欲乘

時微利乃誘王江首楊晟免等使納土誇大其辭言向

募者百三十洞五千九百家十餘萬口其旁通江洞之
眾尚未論也王江在諸江合流之地山川形勢據諸洞
要會幅員二千里宜開建城邑控制百蠻以武臣爲守
置谿洞司主之 同知樞密院事安惇卒安惇宋史不
書今據陳樞
通鑑續編增人贈特進後二年惇長子郊擢福建轉運判官登
對歸與客言穆若之容不合相法當有播遷之厄客告
其語坐指斥乘輿誅流其弟邦於涪州而追貶惇單州
團練副使其祀遂絕

四年

遼乾統五年

春正月庚午朔改熙河蘭會路爲熙河蘭

湟路

丙戌築谿哥城

庚寅遼以遼興軍常格

舊作長哥

今改爲北府宰相 王辰詔察諸路監司貪虐者論其罪

乙未尚書省言水磨茶場係元豐舊法不可罷欲竝
存畱但罷官差人動磨召磨戶六十戶承認歲課三十
萬緡每月均納從之 丙申詔京畿路改置轉運使提
點刑獄官 知樞密院事蔡卞罷卞以兄京晚達而位
在上致已不得相故二府政事時有不合至是京將用
童貫爲陝西制置使卞言不宜用宦者必誤邊計京於
帝前詆卞卞求去遂出知河南府 立武學法 丁酉
秦鳳蕃落獻邦潘巖二州以童貫爲熙河蘭湟秦鳳路
經略安撫制置使 二月癸卯遼主徵行覲民疾苦

乙巳築御謀城 丙午遼主如鴛鴦渼 己酉中書省
言周官官伯掌王宮之士庶子蓋王宮之內有士庶子
爲緇而士庶子者非王族則功臣之世故休戚一體上
下親而內外察逮漢以郎執戟宿衛殿中舉衣冠子弟
充選至唐遂分三衛五府其法詳密今殿庭設仗悉以
禁旅宏倣古立三衛郎一員三衛中郎爲之貳文武各
一員博士二員主簿一員親衛府郎十員中郎十員勳
衛府亦如之翊衛府郎二十員中郎二十員親衛立於
殿上兩旁勳衛立於朵殿翊衛立於兩階衛士之前三
衛官並以勳戚親兄弟子孫試充直退皆入府誦書各

占一經一月一私試季一公試習武執者許赴武學從
之 甲寅以尚書左丞張康國知樞密院事兵部尚書
劉達同知樞密院事吏部尚書何執中爲尚書左丞
乙卯班方田法 庚申詔西邊用兵法能招羌人者與
斬級同賞 壬戌升趙州爲慶源軍 甲子雨雹 乙
丑改三衛郎爲三衛侍郎 閏月壬申復元豐銓試新
案法 令州縣倣尚書六曹分六案 夏屢遣使請昏
於遼至是遼封族女爲成安公主嫁夏國王李乾順
甲申置陝西河東河北京西監鑄當二夾錫鐵錢自太
祖以來閩蜀陝西多用鐵錢每十文當銅錢一文至是

河東轉運判官洪中孚言遼夏以鐵錢爲兵器若雜以錫鉛則脆而不可用請改鑄之故有是詔 河西節度使趙懷德來降已升御端門受之授懷德軍節度使封安化郡王 壬辰曲赦熙河蘭湟路 詔知大名府呂惠卿提舉洞霄宮惠卿再上表乞弟諒卿出籍表詞有明昭先烈以推美於秦陵闕略微文用保全於蔡卽言者論其引諭失當特責之 三月壬寅置青海馬監 甲辰以趙挺之爲尚書右僕射兼中書侍郎 丙午詔建古王砦爲懷遠軍 庚戌提舉洞霄宮呂惠卿特令致仕 戊午蔡京言九鼎告成詔於中太一宮之南爲

九殿以奉安各周以垣上施脾睨墁以方色之土外築垣環之名曰九成宮中央曰帝鼐其色黃祭以土王曰爲大祠幣用黃樂用宮架北方曰寶鼎其色黑祭以冬至幣用阜東北曰牡鼎其色青祭以立春幣用阜東方曰蒼鼎其色碧祭用春分幣用青東南曰岡鼎其色綠祭以立夏幣用緋南方曰彤鼎其色紫祭以夏至幣用緋西南方曰阜鼎其色黑祭以立秋幣用白西方曰鼎鼎其色赤祭以秋分幣用白西北曰魁鼎其色白祭以立冬幣用阜八鼎皆爲中祠祭饗用素饌其樂舞帝鼐奏嘉安之曲八鼎皆奏明安之曲帝鼐銘御製八鼎銘

命京爲之 樞密院言卽延路經略司奏已收復鉅州
乞賜名詔依舊先是陶節夫議出師城鉅州官屬皆不
願從至有引永洛事爭者又曰夏人東出不過至麟府
此去不逾旬柰何節夫曰我計之熟矣夏人必西趨涇
原諸君不我從我當以二子與士卒同死生遂選耿彥
端爲都統制而節夫二子隨行疾驅至鉅州夏眾來拒
者猶萬人我師旣陳一擊而敗遂城之五日而畢夏人
果趨涇原擾蕭關築事洎聞城鉅州亟引兵來爭城成
已幾月矣遂遁去致異收復鉅州史最不詳今據長編所載陶節夫家傳增修 事聞
節夫彥端各遷一官 乙丑詔州縣屬鄉聚徒教授者

非經書子史母習 丁卯祥柯夜郎首領以其地內附

是月夏人攻塞門砦 夏四月辛未遼使樞密直學

士高端禮來聘為夏人請罷兵也統二年六月李乾順

為宋所攻遣李造福田若水求援三年十月夏國復遣使求援四年二月夏國遣李造福田若水求援五年正

月夏國遣李造福等求援且乞伐宋此夏國求援於遼之始末也是年遼以族女嫁夏國主始遣高端禮來請

罷兵其議未成次年復使蕭德裕等來定議耳宋史止書四年蕭良來聘於前後情事不備今從遼史

戊寅夏人寇臨宗砦 辛巳詔諸路走馬承受毋得預

軍政及邊事 甲申遼主射虎於炭山 己丑夏人寇

順寧砦鄜延路第二副將劉延慶擊破之復攻湟州北

蕃市城知州辛叔獻等擊卻之 五月戊申除黨人父

兄弟之禁 壬子遣王戩報聘於遼 賜信州龍虎
山道士張繼元號虛靖先生漢張道陵三代孫也張
氏自是相襲爲山主傳授法籙者卽度爲道士 癸丑
罷轉運司檢察鉤攷法 辛酉命官分部決獄 六月
丙子御紫宸殿以修復解池百官入賀解池爲水浸壞
八年至是始開四千四百餘畦 丁丑慮囚 辛巳罷
陝西河東力役 甲申出赦熙河陝西河東京西路
戊子尚書右僕射趙挺之罷初帝以蔡京獨相謀置右
輔京力薦挺之旣相與京爭權屢陳京姦惡且請去位
以避之遂罷爲中太一宮使畱京師 秋七月丙申朔

罷三京國子監官各置司業一員 辛丑置熒惑壇

甲辰大司樂劉昺轉一官賜五品服師授大樂局制造

官魏漢津賜號冲顯寶應先生以九鼎成推賞也 甲

寅詔奪元祐姦惡呂大防等十九人所管墳寺竝改賜

敕額爲壽寧禪院別召僧居之 右司諫姚祐請置輔

郡以拱大畿丁巳蔡京等奏以潁昌府爲南輔升襄邑

縣建輔州爲東輔鄭州爲西輔澶州爲北輔各屯馬步

軍二萬人積貯糧草每州五百萬從之

按是宋史徽宗紀七月辛丑置

四輔郡今從長編

手詔應上書奏疏見羈管編管人可特與

放還鄉里仍令三省量輕重具名立法聞奏戶部尚書

曾孝廣坐錢帛皆闕出知杭州 是月遼主謁慶陵
八月戊辰以德妃王氏爲淑妃 庚午以王江古州歸
順置提舉谿洞官二員改懷遠軍爲平州從知桂州王
祖道所請也 丙子改東輔輔州爲拱州 癸未太常
少卿馮澥責授永州別駕道州安置先是澥知鳳翔府
上書曰竊以湟廓西寧三州本不毛之地在大河之外
天所阨隔陛下空數路耗內帑竭生靈膏血而取之何
嘗得一金一縷入府庫一甲一馬備行陳而三州歲用
以億萬計仰之官也而帑藏已空取之民也而膏血已
竭有司束手莫知爲計塞下無十日之積戰士飢餒人

有菜色今殘寇游魂未卽歸順黠羌阻命公爲唇齒窺伺閒隙忽肆姦侮則兵將復用役必再籍殘弊之後尚安可堪臣愚欲采前世羈縻之義擢其酋豪授以麾鉞第其首領等級命官嚴其誓約結以恩信彼將畏威懷德稽顙聽命有得地之名無費財之患兵革不用藩籬永固而又可以逆折北虜之辭旁釋西羌之怨一舉而眾利得策無上於此者至是詔以解動搖國是疑阻新民可送吏部與遠小監當臣僚又言解罪大責輕未當公議遂重責之 甲申奉安九鼎於九成宮乙酉詣宮附獻至北方寶鼎鼎忽破水流溢於外 丁亥庫部員

外郎姚舜仁請卽國東丙己之地營建明堂繪圖式以獻詔依所定營建 庚寅崇政殿奏新樂詔賜名曰大晟其舊樂勿用 壬辰詔應上書編管進士已放歸鄉里責親戚保任者若犯流以上罪或擅出州界或不改革輒有謗訕其保任與同 九月乙未朔以九鼎成御大慶殿受賀始用新樂賜魏漢津號嘉成侯於鑄鼎之地作寶成宮置殿以祠黃帝夏禹周成王周公旦召公奭置堂以祀唐李良及漢津漢津尋死於京師年九十矣 己亥大赦天下詔元祐姦黨久責遐裔用示至仁稍從內徙應嶺南移荆湖荆湖移江淮江淮移近地唯

不得至四輔畿甸

除上書已經量移及近鄉人外其被詔量移者凡五十七人鄒浩陳次升

余爽范正平范柔中黃庭堅陳瑾任伯雨張庭堅龔夬李社王道梁弼陳向馬諡王履郭子旂趙希德王張民張林范純粹閻守勲王化基曾布劉安世孫琮馬涓李溪曾紆蔡克明鄭居簡韓忠彥范純禮安燾王古曾肇朱師服張耒呂希純王觀豐稷張舜民謝文瓘龔原昊安遜馮說梁安國王箴曾燾裴彥臣朱紱李穆鄧世昌王化臣李之儀

江公望陳祐

乙巳詔京畿三路保甲並於農隙時

教閱 賜魏漢津宅一區田六十頃銀絹五百匹兩劉

昌轉三官餘各推恩有差 丙午詔諸路方田更不專

差官點檢令提舉司於本路見任人內委官 辛亥遼

主如蒲絲淀 乙卯賜上舍生三十五人及第 是日

遼主謁乾陵 丙辰詔自今非宰臣毋得除特進 冬

十月己巳詔明堂功力浩大須寬立期限營建俟過來
年丙戌妨礙外取旨興功其見役工可權罷 庚午熙
河蘭湟路經略安撫判官李忱降兩官言者論忱前爲
陝西漕臣詔令措置興復解池忱專欲推行東北鹽法
曲加沮抑今解池旣興復忱尚云所產皆是硝礬要五
七年亦未知如何恣行詆訾殊無忌憚故有是責 甲
申以左右司所編紹聖元符以來申明斷例班天下刊
名例班刑部 丁亥升武岡縣爲軍 壬辰日中有黑
子 自七月雨不止至於是月 十一月戊戌遼禁商
賈之家應進士 丙辰高麗國王咨殂子僕遣其中書

舍人金緣告哀於遼緣至遼賜宴將奏樂緣曰臣來時
本國羣臣皆服衰經今至上國獲蒙賜宴臣子之情不
忍聞樂遼主義而從之 置諸路提舉學事官 尚書

省言私鑄當十錢利重不能禁漢慮民閒物重錢濫乞
荆湖南北江南東西兩浙路竝改作當五錢舊當二錢
依舊又慮冒法運入東北竝以江爲界從之 己未舒

州團練副使湖州安置章惇卒惇四子連登科訖無顯
者死之日羣妾分爭金帛停屍數日無人在側爲鼠食
其一指 遼人之請罷伐夏之兵也信使往來迄無定

議至是遣翰林學士林攄

攷異遼史作林洙今從宋史及契丹國志作林攄

聘

遼摠本蔡京所引以言遼事受上知京密使摠激遼人
怒啟遼釁以邀功及見遼主跪上國書仰首曰夏人數
寇遼朝廷興師問罪以北朝屢遣講和之使故務含容
今遼年不進誓表不遣使賀天寧節又築席經嶺馬練
川兩堡侵寇不已北朝若不窮詰恐非講和之意時遼
主狃於宴安聞摠言雖怒不欲加責讓以啟遼釁但遣
使來告而已摠自入境卽盛氣以待遼者小不如儀卽
辨詰遼國中新爲碧室云如中國之明堂伴使舉令曰
白玉石天子建碧室摠對曰口耳王聖人坐明堂伴使
曰奉使不識字只有口耳王卽無口耳王摠辭窘罵之

及辭荅語復不遜遼人大怒空客館水漿絕煙火者三日乃遣還凡褫餼祖犒皆廢歸復命議者以爲怒鄰生事猶以京之力進除禮部尚書旣而遼人以使人失禮來言始責知潁州 十二月癸酉升拱州爲保慶軍節度 乙亥詔四輔屏翰京師兵力不可偏重可各以二萬人爲額 尚書省言諸路學校各已就緒其所貢人今來中選多舊日科舉遺落老成之士鄉舉里選之效已見於此士之在學凡書季考苟有成材理當不俟歲月便合入貢今倣周官每歲考德行道藝三年大比之意爲歲貢之制俟滿三歲則赴殿試第其高下推恩庶

使士益加勉詔大司成薛昂等看詳增損修立條約以
聞 甲申分平州置允州格州 癸巳御筆手詔曰昨
降手劄應上書奏疏見編管羈管人令還鄉里責親屬
保任而有司止從量移其誣謗淡重除范柔中鄧考甫
不放外餘竝依已降指揮放還鄉里令親屬保任如法
是歲蘇湖秀三州水賜乏食者粟秦州禾生稽 以
朱勔領應奉局於蘇州初蔡京過蘇欲建僧寺閣會費
鉅萬僧言必欲集此緣非郡人朱冲不可冲勔之父也
京卽召冲語之冲願獨任居數日冲請京詣寺度地至
則大木數千章積庭下京器其能逾年京召還朝遂挾

勛與俱竄其父子名姓於童貫軍籍中皆得官帝頗垂意花石京諷沖密取浙中珍異以進初致黃楊三本帝嘉之後歲歲增加然歲不過再三貢貢物裁五六品至是漸盛舳舻相銜於淮汴號花石綱置局蘇州命勛總其事

五年

遼乾統六年

春正月戊戌夕彗出西方由奎貫胃昂畢

庚子復置江湖淮浙常平都倉

甲辰以吳居厚爲

門下侍郎劉逵爲中書侍郎

乙巳以星變避殿減膳

詔中外臣僚並許直言朝政闕失毀元祐黨人碑又詔應元祐及元符末係籍人等遷謫累年已定懲戒可復

仕籍許其自新朝堂石刻已令除毀如外處有姦黨石刻亦令除毀今後更不許以前事彈糾常令御史臺覺察違者劾奏

攷是宋史劉達傳初以附蔡京職進京以

事星見去相而達諫中書首勸徽宗碎元祐黨碑寬上書邪籍之禁陳經通鑑續編采此說後人皆因之案毀碑寬禁在京罷相前一月宋史誤又東都事略劉達傳及李氏長編並不載達語恐非事實今不取續編又云帝夜半遣黃門毀石刻翼日蔡京見之厲聲曰石可毀名不可滅也亦未知出何書姑附記於此

丙午尚書省言當十錢

東南私鑄甚多民間買賣阻滯其荆湖兩浙江南淮南路已降指揮竝改作當五行使尚慮民間盜鑄不已其當十錢竝行罷鑄仰鑄小平錢從之 丁未太白晝見大赦天下除黨人一切之禁應合敘用人依該非次赦

恩與敘應見貶責命官未量移者與量移應官員犯徒罪以下依條不以赦降去官原減者許於刑部投狀本部具元犯因依問奏未斷者竝仰依令赦原減又詔已降指揮除毀元祐姦黨石刻及與係籍人敘復注擬差遣深慮愚人妄意臆度覬欲更張熙豐善政苟害繼述必置典刑權罷方田 戊申詔侍從官奏封事 巳酉

罷諸州歲貢供奉物

庚戌三省同奉旨敘復元祐黨

籍曾任宰臣執政官劉摯等十一人

劉摯梁燾李清臣王巖叟輕第二等

韓忠彥曾布范純禮安燾劉奉世輕第三等黃履

待制以上官蘇軾等十九人

蘇軾劉安世曾肇鄭浩朱光庭輕第二等孔文仲范純

粹豐稷王古張舜民朱師服謝文曜賈易呂希純楊畏

輕第三等陳次升郭文臣餘官任伯雨等五十五人重

知章朱紱葉祖洽一等任伯雨范柔中鄧考甫張庭堅馬洞封覺民輕第

一等黃庭堅陳祐李社張耒李漢李之儀周諒孫琮胡

端修趙令時吳安遜王欽曾舒江公望李積中汪衍梁

寬沈千曹興宗王極陳師易楊環寶陳并黃安期高漸

蕭利趙越滕友陳唐李昭玘倪直孺高茂華歐陽斐陳

察夢正一劉唐老楊彥璋張恕梁士能錢景祥李夷行

吳處厚張夙輕第三等秦希選人呂諒卿等六十七人

甫都脫鍾正甫許端卿向級選入呂諒卿等六十七人

輕第二等呂諒卿鄭俠余爽范正平楊琳蘇軾葛茂宗
劉涓柴洪羽趙天祐李新馮百藥趙珣李傑李貴郭
執中石芳金極高公應安信之張集黃策周永微鮮于
綽王貫蘇迥檀固何大受于肇黃遷万侯正許堯輔楊
屈胡良梅君俞冠宗顏張居厚李修黃才曹寧候顯道
周遵道林膚宋壽岳王交張溥許安修胡潛董庠蔣津
王守鄧允中梁俊民王陽張裕陸表民江洵王公彥方
适鹿敬求葉世英呂彥祖何大正橋鈞袁公適王察

辛亥御殿復膳 壬子詔新建四輔城隍廟舍軍營

等漸次興修毋得擾民罷園土法、甲寅以致仕呂惠卿知青州、丁巳詔罷書畫算醫四學、戊午夕彗滅自始見至此凡二十日、二月甲子朔詔監司條奏民間疾苦、丙寅尚書左僕射蔡京罷爲開府儀同三司中太一宮使以觀文殿大學士趙挺之爲特進尚書右僕射兼中書侍郎挺之與京交惡京恐其畱京師伺察己所爲挺之亦懼京中傷數乞歸青州私第詔從之既辦舟裝將入辭矣會彗見帝震恐責己浹察京之姦罔由是旬日之間凡京所爲者一切罷之遣中使齎御筆手詔賜挺之曰可於某日來上挺之既對帝曰蔡京所

爲皆如卿言挺之因奏京援引私黨布列朝廷又建四輔非國家之利祖宗以來屯重兵於京師沿汴河雍邱襄邑陳留三縣沿蔡河咸平尉氏兩縣皆列營屯取其漕運之便至神宗卽其所分隸諸將而教習之士卒皆精銳若有所用虎符朝出而夕至今卹置四輔不唯有營壘修建之勞且不通水運何以轉輸糧餉帝曰行且罷矣又奏諸營之兵等尺高者所請衣糧但依舊例又要番屯戍西邊使冒鋒鏑鬪死亾者不可勝數今京立法召募四輔新軍減等尺增例物添月給錢糧且免出戍小人之情唯利是從若見新軍如此則舊兵皆不

爲朝廷用矣又言神考建立都省規模宏壯一旦京因
妄人家安國獻言以爲不利宰相而毀之淡可痛惜帝
皆以爲然且曰天久旱今京且求去而雨可喜既罷京
挺之遂相 庚午詔翰林學士兩省官及館閣自今並
除進士出身人 壬申省外內冗官罷醫官兼宮觀者
丁丑以前後所降御筆手詔模印成冊班之中外州
縣不遵奉者監司按劾監司推行不盡者諸司互察之
遼遣知北院樞密使蕭德勒岱舊作得里底今改及
黑德勒岱或作蕭良
蓋良一名德勒岱遼史從其知南院樞密使牛溫舒來
本俗書之耳或作蕭保先誤
聘請歸侵地於夏也先是諜言遼人集兵甚急及使至

人情洶洶張康國何執中等俱請設備趙挺之獨曰遼人書詞甚遜且遣二相臣爲使所以尊朝廷也況所求但云元符講和以後所侵西界而已帝曰先帝已畫封疆今不復議若自崇寧以來侵地可與之乃許遼人遼史牛溫舒傳云夏爲宋所攻來請和解溫舒與蕭德勣使宋方大燕優人爲道士裝索土泥藥鑪優曰土少不能和溫舒遽起以手藉土懷之宋主問其故溫舒對曰臣奉天子威命來和若不從則當卷土收去宋人大驚遂許夏和案此時遼人爲夏請地非宋請地於遼也所云土少不能和及卷土收去之語俱非當日情事疑傳聞之三月丙申詔星變已消罷求直言 辛丑諫今不取 改威德軍爲石堡砦 丁未罷諸州武學 乙卯廢銀州爲銀川城 丙辰蔡王似薨 己未賜禮部奏名進

士及第出身蔡蕤等六百七十一人 監察御史沈疇

言小錢之僂於民久矣古者軍興錫賞不繼或以一當百或以一當十此權時之宜非可行於無事之日今當十之議固足以紓目前然不知事有召禍法有起姦游手之民一朝鼓鑄無故有倍稱之息何憚而不爲雖日斬之勢不可遏所枉鼓鑄不獨閭巷細民而多出於富人士大夫之家曾未期歲而東南之小錢盡矣錢輕故物重物重則貧下之民愈因此盜賊之所由起也伏乞速賜寢罷 夏四月丁丑停免兩浙水災州郡夏稅

臣僚言知江寧府徐勣知虔州郭知章知漳州陳次升

知福州朱紱是四人者皆元祐邪黨今任以牧守尚典
方面非所以明是非示好惡也於是詔勸等各予祠
五月丁酉左正言詹丕遠進對論當十錢帝曰當十竝
行本以便民今反爲民害如此非卿有陳朕不知也便
欲改作當三恐遠方客人有積貨鉅萬以上者驟鑄之
不無怨咨丕遠曰聖慮哀矜恥一夫不獲欲且改從當
五亦可帝慨然曰王安石佐神宗理財未嘗行當十在
廷非之者猶謂以利不以義丕遠曰安石秉政多年尚
不及茶鹽權取蔡京引用匪人詒害無窮豈可比王安
石帝曰與其有聚斂之臣寧有盜臣事君以利只此可

見也 丁未班紀元歷劉曷所造也 乙卯罷辟舉盡

復元豐選法 臣僚上言知鄂州張商英傾邪狂悖方

元祐閒附會邪朋著爲文頌詆及宗廟逮崇寧初交結

中貴潛通貨賂覲幸宰輔朝廷灼見姦慝投置閒散近

以寬大之詔假守方州輒因謝表妄議時政言涉謗訕

伏望嚴行降黜以正國論詔商英提舉崇福宮 是月

遼主清暑於散水原 六月癸亥立諸路監司互察法

庇匿不舉者罪之仍令御史臺糾劾 改格州爲從州

甲子詔求隱逸之士令監司審覈保奏其緣私者御

史察之 丁卯詔輔臣條具東南守備策 壬申慮囚

乙亥詔官所鑄當十錢已令諸路以小鈔換易其私錢若不立法使盡歸官必冒法私用陷民濫刑可令阻一季內納官計銅價二分以小鈔還之如或隱藏不換以私鑄法論 秋七月庚寅朔日當食不虧 夏人奉表謝罪詞極恭順荅詔略曰除先朝所畫之疆損崇寧新取之地時知樞密院張康國奏曰詔內難及北朝請解和語帝曰北朝於夏國以此爲恩若不言及卽疑中國不信趙挺之曰陛下之言神人咸悅大哉王言今見之矣乃詔夏國城堡俟誓表至則賜之 癸巳準布貢於遼 甲午遼主如黑嶺旋獵於鹿角山 壬寅改明

年元日大觀 甲寅茅山道士劉混康加號葆真觀妙

沖和先生 八月以與夏通好遣禮部侍郎劉正夫如

遼報聘

改異遼本紀是年十月宋遣劉正符曹穆來告正符即正夫聲相近而誤也宋史徽宗紀載於

四年八月則不應逾年之久始抵遼庭今改書於今年八月庶與遼紀不相抵牾 正夫酬對敏

博與遼人議皆如約帝嘉之遂有大用之意 九月己

巳詔置武士齋仍以所給解額取一分充貢無則貢文

士 冬十月己卯升澶州爲開德府庚辰降德音減開

德府罪囚徒以下釋之 遼以皇太叔和囉噶舊作和魯幹今

改爲特里袞舊作惕今改越國王淳爲南府宰相 十一月

乙未遼以色家努舊作謝家奴今改爲南院大王以瑪努舊作馬奴

改今為奚六部大王 丙申遼主行柴冊禮戊戌大赦以

和囉噶為義和仁壽皇太叔

攷異遼史本紀作仁聖今從表作仁壽

進封

越國王淳為魏國王封皇子額魯溫

舊作敖盧幹今改

為晉王

寔納埒

舊作習泥烈今改

為昶王

己亥遼主謁太廟甲辰祀

禾葉山

乙巳立武士貢法從大司成薛昂等言也

辛亥并京畿提刑入轉運司

癸丑臣僚上言伏覩崇

寧五年七月三日敕應係舊籍人子弟許到闕者見訖

赴部令預集注三次集滿不授差遣者將與直差又選

人隕一季若在外指射差遣者聽免直差朝辭訖隕三

日出門此陛下慮浸久有害紹述故略為防隕以示好

惡也。然到闕而見與見訖赴部初無日隄伏望特旨令
到闕三日卽投下文字朝見訖三日卽赴部所有集注
直差朝辭出門自從舊條則異趨之徒不得倚法之脫
略而害紹述之聖政若乃上書邪等人公肆狂妄非上
之所建立所謂躬自蹈之殆與係籍子弟連坐者異矣
是宜得罪重於子弟今陛下縱以仁心矜貸此曹亦當
固爲防隄臣愚以謂宜於七月三日敕內添入上書邪
等庶幾繼志述事明示四海仁心義政並用不廢從之
十二月戊午朔日當會不虧羣臣表賀

寶興是年七月十二月遼

史俱不書日會蓋本日官之失而宋室諸臣僭以貢諛也

己未中書侍郎劉達罷

達居政府凡蔡京所行悖理虐民事稍稍激正趙挺之
慮有後患每建白第開其端而使達終其說達頗自以
爲功京乃令其黨進言於帝曰京之改法度皆稟上旨
非私爲之今一切皆罷恐非紹述之意帝惑其說復有
用京之心然羣臣未有覺之者鄭居中往來鄭妃父紳
所知之卽入見言陛下建學校興禮樂以藻飾太平置
居養安濟院以周拯窮困何所逆天而致威譴乎帝悅
居中退語禮部侍郎劉正夫正夫因請對語與居中合
帝遂疑達擅政於是京黨御史余澠石公弼論達專恣
反覆盡廢紹述良法啟用邪黨乃出知亳州 壬戌詔

臣僚休日請對特御便殿 己巳詔監司按事有懷姦
挾情不盡實者流竄不敘 遼封耶律儼爲漆水郡王
餘官進爵有差儼惡樞密都承旨馬人望不附己遷南
京諸宮提轄制置 是歲廣西黎洞蠻韋晏闢等內附

續資治通鑑卷第八十九

續資治通鑑卷第九十

賜進士第知縣奉直學士都察院右都御史湖廣總督地方軍務兼理糧餉陸雲亭直隸都尉畢沅編集

宋紀九十

起疆圉大淵獻正月盡上
章彌提格十二月凡四年

徽宗體神合道駿烈遜功聖文仁德憲慈顯孝皇

帝

大觀元年

七
年
統

春正月戊子朔大赦天下

甲午

太一宮使魏國公蔡京復爲尚書左僕射兼門下侍郎

庚子御筆議禮局依舊於尚書省置局仍差兩制

員詳議屬官五員檢討應緣禮制可具本末議定取旨

甘露降於帝庭中羣臣稱賀

壬寅尚書左丞吳居

厚以老遜位罷爲東太一宮使 壬子以何執中爲中書侍郎鄧洵武爲尚書左丞戶部尚書梁子美爲尚書右丞子美初爲河北都轉運使傾漕計以奉上至捐縑錢二百萬市北珠以進由是諸路漕臣效尤爭進美餘矣此珠出於女直子美市於遼遼嗜其利虐女直捕海東青以求珠女直深怨之而子美用是顯 是月遼主釣魚于鴨子河 二月己未詔令道士序位在僧上女冠在尼上 壬戌向宗回徙封安康郡王 甲子詔淮南兩浙應私鑄錢限一季首納限滿不首竝依私錢法其納到私錢竝許發赴京畿錢監改鑄御書當十錢

以黎洞納土曲赦廣西 乙亥復醫學 己卯復行方

田 丙戌以平昌郡君韋氏爲才人 鳳翔府于仙姑

授清真沖妙先生尋遣李環齋御封香往鳳翔太平宮
等處道場因就宣于仙姑赴闕又有虞仙姑者年八十
餘狀貌如少艾行大洞法一日帝誦大洞經舉首見有
仙官侍立者蔡京嘗具飯招仙姑見大貓指而問京曰
識之否此章惇也意以諷京京大不樂帝嘗問仙姑致
太平之期對曰當用賢人帝曰賢人謂誰曰范純粹也
帝以語京京曰此元祐臣僚所使遂逐之于是士大夫
爭言虞仙姑亦入元祐黨矣 遼主駐大魚澤 三月

已丑幸金明池賜宰相蔡京等宴 丁酉尚書右僕射

趙挺之罷爲佑神觀使以何執中爲門下侍郎鄧洵武
爲中書侍郎梁子美爲尚書左丞吏部尚書朱諤爲尚
書右丞諤出蔡京門善附會故有是命 以蔡攸爲龍

圖閣學士兼侍讀

甲辰詔以八行取士

攸異東都事略作甲寅以

八行取士今從宋史作甲辰

善父母爲孝善兄弟爲悌善內親爲睦

善外親爲姻信於朋友爲任仁於州里爲恤知君臣之
義爲忠達義利之分爲和孝悌忠和爲上睦姻爲中任
恤爲下又制爲不忠不孝不悌不和不姻不睦不任不
恤之刑諸犯八刑者縣令佐州知通以其事自書於籍

報學應有入學不睦十年不嫻八年不任五年不恤三年能改過自新不犯罪而有二行之實者鄰保伍申縣縣令佐審聽入學在學一年又不犯第三等罪聽商於諸生之列 癸丑觀文殿大學士佑神觀使趙挺之卒贈司徒謚清憲 以葉夢得爲起居郎夢得附蔡京得爲祠部員外郎京罷相趙挺之更其所行及京再相復反前政夢得入對因曰陛下前日所建立者出於陛下乎出於大臣乎豈可以大臣進退而有所更張也帝悅故有是命 夏四月乙丑以淑妃王氏爲貴妃 五月己丑朝散郎吳儲承議郎吳侔坐與妖人張懷素謀反

伏誅懷素獄起蔡京欲因以傳致呂惠卿之罪下其子
淵於獄拷笞數千下欲令招伏與懷素謀反淵卒不服
得免是日惠卿責授祁州團練副使宣州安置坐上表
自劾黨庇其子無責已之詞也 庚寅中書侍郎鄧洵
武罷張懷素獄朝士多株連者而洵武妻吳氏倖之兄
女也坐出知隨州提舉明道宮 甲午詔班新樂于天
下 癸卯詔自今凡總一路及監司之任勿以元祐學
術及異議人充選 以安化蠻犯邊益兵赴廣西討之
乙巳皇子構生才人韋氏所產也尋進韋氏爲婕妤
六月己未以梁子美爲中書侍郎 壬戌詔景靈宮

建僖祖殿室 甲子以黎人地爲庭宇二州 庚午令
諸州學以御製八行八刑刻石從江東轉運副使家彬
請也 癸酉賜上舍生二十九人及第 乙亥尚書右
丞朱諤卒贈光祿大夫謚忠靖諤初名紱以與黨籍人
同姓名故改名 是月以蔡凝爲給事中凝以學錄試
策揣蔡京且復用卽對曰熙豐之德業足以配天不幸
繼之以元祐紹聖之繼述足以永賴不幸繼之以靖國
陛下兩下求賢之詔冀以聞至言收實用也而見於元
符之末者方且幸時變而肆姦言乘閒隙而投異意詆
誣先烈不以爲疑動搖國是不以爲憚願逆處於未至

而絕其原於是擢爲第一以所對頒天下甫解褐卽除
祕書正字不踰年至侍從前此未有也 遼主如散水

原 遼耶律孟簡爲六部院太保處事不拘文法時多
笑其迂孟簡聞之曰上古之時無簿書法令而天下治
蓋簿書法令適足以滋姦倖非聖人致治之本也旋改
高州觀察使 秋七月乙酉朔伊洛溫 戊子詔括天
下漏丁 壬寅班祭服于州郡 乙巳賢妃武氏薨

丙午臣僚上言蘇州錢法之壞始於蔡渭成於蹇序辰
二人之罪惟均而小平錢之害又出序辰渭已除名勒
停送蔡州羈管而序辰止降三官安居善郡罪同罰異

士論咸疑詔蹇序辰責授單州團練副使江州安置
崇寧更錢法以一當十民嗜利犯法者紛紛或捕得以
錢數大缶誣爲樞密章榘子縉所鑄縉劉達之婦兄也
蔡京怨達因而興獄初遣監察御史張茂直就平江鞠
之案上縉不服再遣侍御史沈疇疇既至繫者數百人
盡釋之歎曰爲天子耳目司而可傳會權要殺人以苟
富貴乎遂閱實平反以聞京大怒別遣官鍛鍊縉竟竄
海島籍沒其家於是臣僚上言疇去春嘗上封事訾毀
朝廷法度意在迎合大臣懷姦異議詔貶疇監信州酒
稅未幾卒 遼主如黑嶺 遼主以漠南大風傷草馬

多死執馬羣太保蕭托斯和

舊作陶蘇
幹今改

鞭之三百免其

官 八月乙卯太中大夫提舉崇福宮曾布卒于潤州

丁巳封皇子構爲蜀國公 庚申以戶部尚書徐處

仁爲尚書右丞兵部尚書林摠同知樞密院事張懷素

妖事覺摠以開封尹與中丞余濬雜治得士民交關書

疏數百摠請悉焚蕩以安反側眾稱爲長者不知蔡京

與懷素游最密摠實爲京地也京濬德之用鞫獄明允

連擢數官至是遂登樞府 己巳降德音於淮海吳楚

二十六州減囚罪一等流以下釋之 九月庚寅建顯

烈觀于陳橋 己酉加上僖祖謚曰立道肇基積德起

功懿文憲武睿和至孝皇帝朝獻景靈宮 庚戌饗太廟 辛亥饗明堂赦天下升永興軍爲大都督府 章
綰坐冒法竄海島李景直等四人以上書觀望罪竝編
管嶺南 宣義郎致仕程頤卒年七十五頤于書無所
不讀其學本于誠以大學論語孟子中庸爲標指而達
于六經動止語默一以聖人爲師嘗言吾無功澤及人
唯綴緝聖人遺書庶幾有補耳平生誨人不倦故學者
出其門淵源所漸皆爲名士謝良佐游酢呂大臨尹焞
楊時尤著世稱頤爲伊川先生 冬十月己未詔士有
才武絕倫者歲貢準文士上舍上等法 庚申和賜蔡

京君臣慶會閣落成詩 辛酉蘇州地震 乙丑提舉

崇福宮張商英責授安化軍節度副使歸州安置以臣

僚言其罪大責輕也 己巳大雨雹

政異東都事略作癸亥大雨雹今從

宋史作

遼主謁乾陵獵于醫巫閭山 閏月丙戌以

林摠爲尚書左丞資政殿學士鄭居中同知樞密院事

初居中自言爲鄭貴妃從兄弟

政異宋史后妃傳以居中爲妃從子今從居中

傳

妃家世微亦倚居中爲重由是連擢至翰林學士除

同知樞密院事時妃寵冠後宮於居中無所賴乃用宦

官黃經臣策以外戚秉政辭改資政殿學士中太一宮

使兼侍讀蔡京再得政居中之助爲多厚責報於京京

爲言樞密本兵之地與三省殊無嫌於用親經臣力抗
前說京言不效居中疑不已援始怨之乃與張康國閒
京都水使者趙霖得龜兩首於黃河獻以爲瑞京曰此
齊小白所謂象罔見之而霸者也居中曰首豈宜有二
人皆駭異而京獨主之殆不可測帝命棄龜金明池謂
居中愛我遂申前命 乙未詔守令以戶口爲殿最

升桂州爲大都督府建鎮州于黎母山心賜軍額曰靖
海用知桂州王祖道策也 乙巳升太原府鄧州竝爲

大都督府 十一月壬子朔日有食之蔡京以不及所

當食分率羣臣稱賀

攷異通史不書是年日食契丹國志與宋史同

癸亥詔

以議禮當追述三代之意適今之宜開元禮不足爲法
今親製冠禮沿革十一卷付議禮局餘五禮令視此編
次 乙丑置內外符寶郎宋初諸寶多階石爲之元豐
中詔依古作天子皇帝六璽有玉而未成元符初始得
玉工之善者琢之但鑿篆而已玉亦不甚良至是得漢
傳國璽寶秦璽乃藍田玉李斯之魚虫篆也文曰受命
于天旣壽永昌帝獨取其文而黜其璽不用因自作受
命寶其方四寸有奇時又得古小玉印文曰承天福延
萬億永無極者帝又以其文倣李斯魚虫作寶大將五
寸皆爲螭紐其篆則蔡京命其子脩以意數之名爲鎮

國受命二寶合先帝六璽是爲八寶命置官以掌之尚書省言今禁中已有常用之寶所用至多不可改移欲鎮國受命寶皆寶而不用惟封禪則用之皇帝之寶荅鄰國書則用之皇帝行寶降御劄則用之皇帝信寶賜鄰國書及物則用之天子之寶荅外國書則用之天子行寶封冊則用之天子信寶舉大兵則用之餘皆用常用之寶從之 已巳升瀛州爲河閒府瀛海軍節度

戊寅尚書右丞徐處仁以母憂去位

攷異東都事略作十月徐處仁以母

憂去位今從宋史作十一月

南丹州地與宜州及西南夷接壤世

爲莫氏所居自署刺史王祖道欲取之乃誣其酋莫公

佞阻東蘭州不令納土發兵討之擒公佞以南丹州爲
觀州公佞弟公晟結溪峒報復侵掠城邑殺刺史蔡京
匿不以聞特置黔南路領庭孚平允從宜柳融觀九州
十二月庚寅蔡京以功加太尉進何執中以下官二
等而召祖道爲刑部尚書祖道在桂四年厚以官爵金
帛挑諸夷建城邑調兵鎮戍輦輸內地錢布鹽粟無復
齊阨地瘴癘戍者十亾五六實無尺土一民益於縣官
時廣西轉運副使張莊與祖道表裏遂以代其任祖道
莊旣鑿空超取顯美由是龐恭孫趙通程鄰相與效之
邊壤益多故矣 癸巳以江寧荆南杭越洪福潭廣桂

立爲帥府

丁酉置開封府府學

己亥以婉容喬氏

爲賢妃

是歲秦鳳旱京東水河溢遣官振濟貸被水

戶租

廬州雨豆

乾寧軍言黃河清踰八百里凡七

晝夜詔以乾寧軍爲清州

涪州夷駱世葉等內附以

其地爲珍承二州知州龐恭孫誘之以來也

太廟齋

郎方軫上書言蔡京睥睨社稷內懷不道專以紹述之

說爲自媒之計內而執政侍從外而帥臣監司無非其

門人親戚京每有奏請盡作御筆行出語人曰此上意

也明日不行又語人曰京實啟之也善則稱已過則稱

君必欲陛下斂天下之怨而後已自元符末陛下嗣服

忠義之士投匭者無日無之京分爲耶等黥配編置不齒仕籍則誰肯爲陛下言哉京又使子攸日以花石禽鳥爲獻使陛下不知天下治亂臣以爲京必反也請誅京以安天下詔宣示京京請下軫獄竟流嶺南 遼放進士李石等百餘人

二年

遼乾統八年

春正月壬子朔受八寶於大慶殿大赦天

下文武進位一等蔡京表賀符瑞 乙卯以婉儀劉氏

爲德妃

己未太尉蔡京進太師加童貫節度使仍宣

撫

攸是東都事略云丙子以內侍童貫爲武庫軍節度使今從宋史作己未

庚申進封京

兆郡王桓爲定王蜀國公構爲廣平郡王 戊寅徙封

向宗回爲漢東郡王向宗良爲開府儀同三司 改封
趙懷德爲順義郡王昭化軍節度使河南蕃部總領以
河南蕃將緬什羅蒙爲節度觀察畱後賜名趙懷忠
河東河北盜起 遼主如春州 二月甲申置諸路曹
掾官 丙戌歸州安置張商英移峽州居住 甲午詔
建徽猷閣藏哲宗御集置學士直學士待制官 以姪
好韋氏爲修容 三月庚申班金籙靈寶道場儀範于
天下 戊寅賜上舍生十三人及第 門下中書後省
左右司言檢會今年正月一日赦書元祐黨人懷姦睥
睨報怨不已公肆詆誣罪在宗廟者朕不敢貸其或情

輕法重例被放棄或非身自犯因人得罪或志非誣誦
言有近似或本緣辦理語涉譏訕或止因職事偶涉更
改凡此之類不據元貶責罪犯審量其情分輕重等第
取情理輕者與落罪籍甄敘差遣今將元編類冊內依

詳赦文看詳到孫固等四十五人

孫固陸佃王存蔣之奇趙瞻安燾顧臨張

問朱師服錢總王欽臣楊畏李之純王汾馬默周鼎向
級李昭玘歐陽棐陳察梁士能楊彥章李賁鍾正甫許
端卿趙彥若賈易姚勳呂希績歐陽中立葉伸陳郭朱
光裔蘇嘉吳濤常立李茂直司馬康都貺鄧忠臣廖正
一呂希哲秦希甫張耒杜純詔除孫固安燾賈易外餘竝出籍又看

詳到葉祖洽等六人

葉祖洽郭之章上官均
朱紱神師極錢景祥

詔竝出籍

放恩李書日初草王珪孫固
出籍在四月十三日今不取

詔監司歲舉所部郡守

二人縣令四人赴三省審察。夏四月辛巳手詔以追
述先王寓馬於農之意募人給地免租牧馬行之。暮年
熙河頗見就緒。凡縣鎮寨關堡官衙內竝帶管勾給地
牧馬事。佐官同管勾。庶使人人各知任責。丙申遼封

高麗國王僕爲三韓國公。

攷異東國通鑑云二月遼遣
崇祿卿張挾來命王落起復

清安節度使蕭良益州觀察使李仁洽來冊王爲于太
尉兼中書令加會邑賜冠冕等物今從遼史作四月

甲辰童貫遣統制官辛淑獻馮璫等復洮州。五月

庚戌朔日有食之。

攷異遼史不書是
年日食今從宋史

辛亥以復洮州

功賜蔡京玉帶初神宗用唐故事以玉帶賜王安石止

繫三日及京受賜遂爲常服。提舉京西南路學事路

瑗言臣所領八州三十餘縣比諸路最爲褊小學舍乃至三千三百餘區教養生徒三千三百餘人贍學田業等歲收錢斛六萬三千餘貫石竊計諸路學舍生徒田業錢斛之數何翅數百萬此曠古所未嘗有也乞詔有司總會諸路州軍縣文武大小學生并學費所入所用實數具圖冊上之御府副在辟離仍宣付史館從之

壬子谿哥城王子賊征撲哥降復積石軍賊征撲哥以兇詛扇蕃族居谿哥空城邊吏謂旣能動眾必爲邊患童貫欲實其事遂會諸路進兵仍遣知西寧州劉仲武出奇趨谿哥城賊征撲哥迎降并女賜才二十八人初

未嘗有兵也泊就擒還吏張大其功過爲緣飾以金紙糊桶爲頭冠木椅爲胡牀淺紅絹爲織種種皆非羌物捷聞蔡京率百官稱賀詔俘賊征撲哥至京師授正任團練使鄧州鈐轄尋死于鄧州 甲寅復諸路歲貢供奉物 丁巳以童貫爲檢校司空奉寧軍節度使賞收洮州積石功也 初童貫議欲收積石軍積石與西陵接境劉仲武詣貫計事曰大兵入境賊窮必走夏國路由西寧當卽掩捕欲降則招納之或渡入巢穴可乘其便但河橋功力未易辦若稟命待報慮失事機貫許以便宜賊征撲哥果欲降勾一子爲質仲武卽遣子錫往

而河橋亦成仲武以兵渡河挈與歸獻捷宣撫司貫掄
其功止錄河橋之勞仲武終不自言後帝遣使持金醖
賜先得積石軍招納降王者使者訪其實以醖授仲武
且召對帝慰勞久之曰高永年失律以不用卿言今招
納降王撫定河南皆卿力也仲武謝問幾子曰九子乃
以錫爲右班殿直閤門祇候餘悉補三班偕職命仲武
復知西寧州 壬戌詔臨洮城依舊爲洮州以收復功
詔蔡京特許奏補一子一孫官餘依轉官恩數 戊辰
詔張康國以下各進官一等 己卯以收復功命戶部
侍郎洪中孚奏告天地宗廟社稷 株真觀妙沖和先

生劉混康卒特贈大中大夫 遼主清暑於散水原

六月乙酉以涪夷地爲軫州 壬辰遼西北路招討使

蕭迪里舊作敵里今改率諸蕃來朝 甲午以平夏城爲懷德

軍 乙未以殿中六尚算學太官局翰林儀鸞司皆隸

六察 丙申遼射柳祈雨 戊戌門下中書後省左右

司復依赦看詳到韓維等九十五人詔竝出籍韓維楊

萬鮮于侁龔原董敦逸呂希純岑象求孔武仲葉燾唐義問余卞宋保國李浚陳佑商倚李之儀范正平李祉

韓治曾紆黃隱馬諡王履任濬趙希德郭子旂劉延肇錢盛吳休復崔昌符李遇李玩吉思雄趙希夷王廷臣

高士權李永王猷可李嘉亮姚雄潘滋高茂華滕友張溥梅君俞楊瓌寶林唐彭醇呂彥祖陳唐曹璽王守曹

興宗高公應黃才江公望黃安期梁俊民王贊張集鹿敬求李賁高士奇逢純熙趙令時倪直璠沈千宋壽岳

卷之三

三

侯顧道趙越周鏐蕭利高遵裕劉渭楊珠鄧允中董祥
王交楊融于肇劉勃許堯輔謝潛張風何大正張裕洪
芻鮮于綽李積中馮百藥衮公適李新許安修
案此據長編所列止九十四人蓋脫去一姓名

遼主如黑嶺 戊申三省檢會正月一日赦書應元祐

黨人不以存亡及在籍可特與敘官勘會前任宰臣執

政官見存人韓忠彥蘇轍安燾身亡人文彥博呂公著

呂大防劉摯曾布章惇梁燾王巖叟李清臣范純禮黃

履詔見存人與一復官文彥博等亦各追復有差 秋

七月庚戌罷建僖祖殿室 乙卯以婉容王氏爲賢妃

戊辰遼主以雨罷獵 八月辛巳邢州河水溢壞民

廬舍復被水者家 丙申中書侍郎梁子美罷知鄆州

己亥置休州敦宗院 九月辛亥以林攄爲中書侍

郎吏部尚書余澹爲尚書左丞 壬戌以向宗回爲太

子少保致仕 乙丑詔諸路州學有閣藏書皆以經史

爲名方今崇八行以迪多士尊六經以黜百家史何足

言應置閣處賜名曰稽古

攷異宋史徽宗紀大觀三年九月己未賜天下州學藏書

閣名稽古今從長編

癸酉皇后王氏崩后性恭儉鄭王二妃方

亢寵后待之均平宦寺希旨有誣后之過者驗之無跡

后見帝未嘗語及帝轉憐之崩年二十五 削向宗回

官爵 丙子曲赦熙河蘭湟秦鳳永興軍路 冬十一

月丁未朔太白晝見 辛酉詔訪求古禮器 壬戌命

討論臣庶祭禮 乙丑上大行皇后謚曰靖和 丙寅

呂惠卿復宣奉大夫提舉明道宮任僂居住 戊辰詔

受命寶增鎮國二字 十二月己卯峽州居住張商英

許任僂居住商英有別業在宜都縣懇蔡京乞歸其地

京從都省批狀依所申商英淡德之 壬寅陪葬靖和

皇后於永裕陵

攷異東都事略作壬辰葬靖和皇后於永裕陵之次今從宋史作壬寅

是歲同州黃河清 夏人入貢 涪州夷任應舉湖南

楊猺再光內附 知桂州張莊奏安化上三州一鎮諸

蠻納土共五萬餘戶二十六萬餘人幅員九千餘里又

奏寬樂州安沙州譚州四州七原等州納土計二萬人

一十六州三十三縣五十餘峒幅員萬里蔡京率百官表賀謂混中原風氣之殊當天下與地之半進莊兼黔南經略安撫使 渝州蠻趙泰等內附以其地爲濠州

詔孔伋從祀孔子廟庭 秦州觀察使知府州折克行卒贈武安軍節度使以其子可大爲榮州團練使知府州克行沈勇有力善撫士卒在邊三十年戰功最多夏人畏其威名號折家父

三年

遼乾統九年

春正月丙午朔遼主如鴨子河 乙卯祔

靖和皇后神主于別廟己未減兩京河陽囚罪一等民緣園陵役者蠲其賦 丁卯以涪夷地爲承州 甲戌

升湟州爲嚮德軍節度 二月丙子朔播州楊文貴納
土以其地置遵義軍 丁丑提舉崇福宮儀國公韓忠
彥以宣奉大夫致仕 庚子臣僚上言知和州胡師文
昨爲發運使獨銜建議將當二銅錢改鑄當十自古積
山之利以銅鑄錢不間以錢鑄錢當二錢法與小平錢
輕重相等故私錢不禁而自止民間便之此神宗良法
也師文諂奉大臣妄亂變更將已行當二錢毀而改鑄
識者痛心詔師文提舉萬壽觀 遼主如春州 三月
丙午立海商越界法 辛酉詔四川郡守竝選內地人
任之 壬戌併黔南入廣西路 乙丑賜禮部奏名進

士及第出身賈安宅等六百八十五人小璫梁師成亦

竄名進士籍中

致異九朝編年尙要作奏名進士七百餘人今仍從宋史

壬申知

樞密院事張康國卒康國始因附蔡京而進及在樞密府寢爲崖異時帝惡京專愎陰令康國狙其姦且許以相京忌康國遂引吳執中爲中丞執中卽劾京客劉曷宋喬年帝嘉執中之不阿康國曰是乃爲逐臣地耳已而執中將論康國康國先知之旦奏事畱白帝曰執中今日入對必爲京論臣臣願避位旣而執中對果陳其事帝怒黜執中知滁州至是康國因退朝趨殿廬暴得疾仰天吐舌昇至待漏院死或疑中毒云 時童貫權

孟張與黃經臣胥用事中丞盧航表裏爲姦搢紳側目
右正言陳禾曰此國家安危之本也吾任言責此而不
言可乎遂上疏劾貫經臣怙寵弄權之罪願亟竄之遠
方論奏未終帝拂衣起禾引帝衣請畢其說衣裾落帝
曰正言碎朕衣矣禾言陛下不惜碎衣臣豈惜碎首以
報陛下此曹今日受富貴之利陛下它日受危亡之禍
言愈切帝變色曰卿能如此朕復何憂內侍請帝易衣
帝卻之曰畱以旌直臣翼曰貫等相率前訴謂國家極
治安得此不祥語盧航奏禾狂妄謫監信州酒 夏四
月戊寅中書侍郎林摠罷集英廳唱貢士摠當傳姓名

不識甄益字帝笑曰卿誤耶摠不謝而語詆同列御史
論其寡學倨傲不恭失人臣禮黜知滁州猶爲帝言頃
使遼見其國中攜貳若兼而有之勢無不可益欲報其
辱也帝由是始有北伐之意 壬午五國部貢于遼

癸巳以鄭居中知樞密院事吏部尚書管師仁同知樞
密院事師仁龍泉人也 癸卯以余浚爲中書侍郎兵

部尚書薛昂爲尚書左丞工部尚書劉正夫爲尚書右
丞昂與余浚林摠附蔡京爲至久至舉家爲京避私諱
或誤及之輒加答責昂嘗誤及卽自批其口 五月乙

巳朔孟翔獻所畫卦象謂宋將中微宜夏年號改官名

變庶事以厭之帝不樂詔竄之遠方 丙辰令辟雍宴

用雅樂 丁巳慮囚 戊辰大雨雹 六月甲戌朔詔

修樂書 同知樞密院事管師仁以疾罷爲佑神觀使

尋卒 乙亥遼主清暑于特禮嶺 遼馬羣太休蕭托

斯和旣免官遼主念其謹愿命爲天齊殿宿衛 丁丑

尚書左僕射蔡京罷中丞石公弼侍御史張克公劾京

罪惡章數十上乃以京爲中太一宮使請給恩數並依

見任宰相例公弼始與京有連故得進用及居言路遇

事利害輒言不憚京始忌之旣免京政復上言吏員猥

冗戾元豐舊制於是詔堂選歸吏部者數十員罷宮廟

者千員都水知掃六十員縣非大郡悉省丞在京茶事
歸之戶部諸道市舶歸之轉運司仕塗頓清 辛巳以
何執中爲特進尚書左僕射兼門下侍郎 瀘州夷王
募弱內附以其地置純滋二州 庚寅冀州河水溢
太學生陳朝老詣闕上書曰陛下知蔡京之姦解其相
印天下之人鼓舞有若更生及相何執中中外黯然失
望執中雖不敢肆爲非法若蔡京之蠹國害民然碌碌
常質初無過人天下敗壞至此如人一身臟腑受疹已
深豈庸庸之醫所能起乎疏奏不省 秋七月丁未詔
謫籍人除元祐姦黨及得罪宗廟外餘並錄用 甲寅

復張商英提舉玉局觀 是月遼地隕霜傷稼遼主以

中京饑命昭德軍節度使耶律孟簡偕學士劉嗣昌減

價糶粟事未畢而孟簡卒 遼漕司督賦甚急縣令多

繫獄寧遠令康公弼上書於朝乃釋之因免縣中租賦

寧遠人德之爲立生祠 八月己丑嗣濮王宗漢卒兄

子仲增嗣 丙申升融州爲清遠軍節度 丁酉遼主

以雪罷獵 己亥宣奉大夫致仕儀國公韓忠彥卒

冬十月癸丑

攷異是月壬申朔無癸丑此據宋史本紀恐日誤

減六尚局供奉

物 癸酉遼主望祀木葉山丁丑免今年租稅 十一

月丁未詔算學以黃帝爲先師風后等八人配饗巫咸

等七十人從祀 己巳蔡京進封楚國公致仕仍提舉

編修哲宗實錄朝朔望長子攸除樞密直學士次子儵

除直祕閣

攸選蔡京致仕據編年備考作十月今從宋史作十一月

十二月甲申

高麗貢于遼奏還女直九城 戊子以張商英爲龍圖

閣學士知杭州 己亥罷東南鑄夾錫錢 中丞石公

弼言蔡京盤旋京師餘威震於羣臣願持必斷之決以

消後悔侍御史洪彥章言京朋姦誤國公私困弊旣已

上印而偃蹇都城上憑脊顧之恩中懷跋扈之志願早

賜英斷遣之出京侍御史毛注言孟翔以天文惑眾嘗

獻蔡京詩言涉不順京輒喜而受之因以獻易書而賜

官卒致詆誣以冒重辟而京不復愧恥張懷素以地理
惑眾京熟與之游從京妻葬地下日懷素主之嘗同游
淮左題字刻石後雖陰令人追毀以掩其迹而眾所共
知以至尚書省事多不取旨直行批下以作陛下之威
重祿厚賞下結人心以作陛下之福林摠跋扈之黨而
置之政本之地宋喬年姦雄之親而置之尹京之任攷
之以心揆之以事其志有不可量者今盤旋輦轂久而
不去其情狀已可見矣太學生陳朝老復疏京惡十四
事乞投畀遠方皆不報 是歲江淮荆浙福建大旱自
六月不雨至於十月秦鳳階成饑發粟振之蠲其賦

峽州同州黃河清 遶放進士劉楨等九十人

四年

遶乾統十年

春正月庚子朔中丞吳執中言竊問邇來

諸路以八行貢者如親病割股或對佛然頂或刺臂出血寫青詞以禱或不茹葷嘗誦佛書以此謂之孝或嘗救其兄之溺或與其弟同居十餘年以此謂之悌其女適人貧不能自給取而養之於家爲善內親又以壻窮糴收而教之爲善外親此則人之常情仍以一事分爲睦嫻二行嘗一遇歉歲率豪民以粥食飢者而謂之恤夫粥食飢者乃豪民自爲之而已獨謂之恤可乎又有嘗收養一遺棄小兒嘗救一跛者之溺而以爲恤如此

之類不可遽數伏願下之太學俾長貳博士攷以道藝
別白是非激去冒濫勿使妄進申飭郡縣長吏及學事
司察驗行實有其人則舉無其人勿以妄貢務在奉承
詔旨不失法意從之 辛丑遘主預行立春禮如鴨子

河 癸卯詔新置河東河北陝西諸監罷改鑄當十錢
辛酉詔士庶拜僧者論以大不恭 丁卯夏人人貢

呂惠卿降授正奉大夫侍御史毛注劾惠卿上表謝
復官用詩風雨及青蠅節南山章句以古君子自處而
以亂世方盛時罪不可赦故有是命 二月庚午榷遼
主駐大魚樂 辛未以張商英爲資政殿學士中太一

宮使初商英起知杭州過闕入對言神宗修建法度務以去害興利而已今誠一一舉行則盡紹述之美法莫有獎不可不變但不失其意足矣 戊寅議禮局奏修成大觀禮書二百三十一卷祭服制度十六卷制服圖一冊據經稽古酌今之宜以正沿襲之誤又別爲看詳十二卷祭服看詳二冊詔行之 庚辰罷京西錢監已丑以余濬爲門下侍郎資政殿學士張商英爲中書侍郎戶部尚書侯蒙同知樞密院事帝嘗從容問蒙曰蔡京何如人也蒙對曰使京正其心術雖古賢相何以加京聞而銜之蒙高密人也 壬辰罷河東河北京東

鑄夾錫錢 癸巳詔方田之法均賦惠民訪問近歲以
來有司推行怠惰監司督察不嚴賄賂公行高下失實
可嚴飭所部仍仰監司覺察 三月庚子募饑民補禁
卒 詔醫學生併入太醫局算入太史局書入翰林書
畫局畫入翰林畫圖局其學官等並罷 甲寅敕所在
振恤流民 癸亥詔罪廢人稍加甄敘能安分守者不
俟滿歲各與敘進以責來效 丙寅賜上舍生十五人
及第 戊辰詔上書邪下等人可依無過人例今後改
官升任並免檢舉 夏四月丙子五國部長貢於遼
已卯班樂尺於天下 癸未蔡京上所修哲宗實錄

丙戌遼主預行再生體癸巳獵於北山 丙申立感生

帝壇 丁酉詔修哲宗正史 五月壬寅停僧牒三年

丁未彗出奎婁 甲寅立詞學兼茂科帝以宏詞科

不足以致文學之士改立此科歲附貢士院試去檄書

而增制誥中格則授館職歲不過五人 丙辰詔以彗

見避殿減膳令侍從官直言指陳闕失 戊午赦天下

壬戌改廣西黔南路爲廣南西路 癸亥治廣西安

言拓地罪追貶帥臣王祖道爲昭信軍節度副使放張

莊于永州 先是御史張克公奏論蔡京頃居相位擅

作威福權震中外輕錫予以蠹國用託爵祿以示私恩

謂財利爲有餘積皆出誕謾務誇大以興事功肆爲搔擾援引小人以爲朋黨假借姻婭布滿要途以至交通豪民興置產業役天子之將作營葺居第用縣官之人夫漕運花石曾無尊主庇民之心惟事豐已營私之計若是之類其事非一已有臣僚論列臣更不敢具陳及至若名爲祝聖壽而修塔以壯臨平之山勢託言灌民田而決水以符興化之讖辭致俛俛之告變而謬爲心疾受孟朔之誣言而與之官爵趙眞欲輔之以妖術張大成竊伺其姦意駭動遠邇間者寒心皆足以鼓惑天下爲害之大者也甲子詔蔡京特降授太子少保依舊

致仕在外任僂居住制略曰輕爵祿以市私恩濫錫于
以蠹邦用偕助姻婭密布要途聚引凶邪合成死黨以
至假利民而決興化之水託祝聖而飾臨平之山豈曰
懷忠殆將邀福屢有告陳之迹每連狂悖之嫌雖僅上
於印章猶久留于里第僂蹇弗避傲睨固悛致帝意之
未孚昭星文而申譴言章繼上公議靡容固欲用恩難
以屈法立襪師臣之秩俾參宮保之官聊慰羣情尚爲
寬典 丙寅門下侍郎余濂罷改異幸輔編年錄作戊午今從宋史濂與
蔡京結爲死黨京旣去國濂不自安上疏乞罷乃以資
政殿學士知青州 六月庚午御殿復膳 甲戌遼主

清暑于玉山 乙亥以張商英爲尚書右僕射兼中書侍郎蔡京久盜國柄中外怨疾見商英能立異同更稱爲賢帝因人望而相之時久旱彗星中天商英受命是夕彗不見明日雨帝喜因大書商霖二字以賜之 癸未夏國貢於遼 壬辰復向宗回爲漢東郡王 甲午

進布貢於遼

乙未慮囚

丙申門下侍郎薛昂罷爲

佑神觀使

攷異宰輔編年錄云授資政殿學士知江寧府宋史表亦同

秋七月辛

丑詔權罷方田

遼主謁慶陵

己未張商英言當十

錢自唐以來爲害甚明行之於今尤見窒礙蓋小平錢出門有限有禁故四方商旅物貨交易得錢者必入巾

求鹽鈔收買官告度牒而餘錢又流布在街市故官私
內外交相利養自當十錢行一夫負八十千小車載四
百千錢既爲輕齎之物則告牒難售鹽鈔非操虛錢而
得實價則難行重輕之勢然也今欲傳於內庫并密院
諸司俗文應于封椿金銀物帛并鹽鐵等下令以當十
錢盜鑄僞濫害法半年更不行用令民間盡所有于所
在州軍送納每十貫官支金銀物帛四貫文擇其僞鑄
者送近便改鑄小平錢存其如樣者俟納錢足十貫作
三貫文各撥還元僭處然後京城作舊錢禁施行乃可
議權貨通商鈔法 八月庚午張商英又言陛下奮發

英斷慨然欲救錢輕物重之弊一旦發德音下明詔捐棄帑藏數千萬緡錢寶改當十爲當三令下之日中外歡呼萬口一舌然而姦邪之在內者密倡其說曰不久必復可畜以待也姦邪之在外者曉民以掠美曰當三則虧汝當七則中矣是以小民聽而和之令出五十日而猶未大孚也伏望陛下固志不移使正議卒行姦邪愧服而消其凶悍不平之氣 乙亥以劉正夫爲中書侍郎侯蒙爲尚書左丞翰林學士承旨鄧洵仁爲尚書左丞 戊寅省內外冗官 庚辰以資政殿學士吳居厚爲門下侍郎 丁亥行內外學官選試法 閏月辛

升詔諸路事有不便于民者監司條奏之 辛亥遼主

謁懷陵已未謁祖陵 辛酉詔戒朋黨 以張閣知杭

州閣思所以固寵乃因辭日亡自領花石綱事自此應

奉益蘇矣 壬戌遼皇太叔和囉噶從獵于慶州道卒

九月丙寅朔日有食之

攷異契丹國志所載與宋史同遼史不載

甲戌

遼主命免行重九節禮 冬十月丁酉立貴妃鄭氏爲

皇后后開封人本欽聖殿押班初帝爲端王常朝欽聖

太后太后命后供侍及帝卽位遂以賜帝后性謹善順

承帝意好觀書章奏能自製帝愛其才竟立爲后 蔡

京之免知樞密院事鄭居中自許必得相帝覺之不果

用至是復以外戚罷爲觀文殿學士中太一宮使 戊
戌以吳居厚知樞密院事 太白晝見 遼主駐蹕絲
淀 十一月丁卯祀圓丘大赦改明年元曰政和 甲
戌罷拱州爲襄邑縣 戊寅詔通州安置人陳瓘與自
僂初瓘自合浦放還居四明而其子正彙幹至餘杭適
聞蔡崇盛詫蔡京有動搖東宮之語正彙卽日自陳於
杭帥蔡薺薺方結京爲死黨遂執正彙送京師而飛書
告京俾預爲計事下開封府制獄知開封李孝稱酷吏
也乃并下明州捕瓘士民哭送之瓘不爲動旣就獄顧
其子笑曰不肖子煩吾一行孝稱瓘使證正彙之妄

璿曰正彙聞京將不利於社稷傳於道路遽自陳告璿
所不知忘父子之恩而指其爲妄則情所不忍挾私情
以符合其說又義所不爲況不欺不貳平簪所以事君
教子豈於利害之際有所貪畏自違其言乎蔡京姦邪
必爲國禍璿固嘗論于諫省亦不待今日語言閒也時
內侍黃經臣監勘聞所對失聲嘆息謂璿曰主上正欲
知實狀右司第依此置對獄具竟坐正彙以所言過實
流竄海島而璿亦有通州安置之命至此方許其自便
十二月己酉遼詔明年改元天慶 庚戌改諱靖和
皇后爲惠恭 以呂惠卿爲觀文殿學士知大名府罷

丙藏東北出剩鹽鈔及六路上供錢鈔 是歲夔州江水溢海水清 出宮女四百八十六人 南丹州內附遼境內大饑惟保靜軍馬人望所治粒食不闕路不鳴桴造授人望爲彰義軍節度使時穀價翔踊宿衛士多不給蕭托斯和出私廩周之旋召知南院樞密使事